



衡藩重刻胥臺先生集卷之六

五言近體

大駕視牲南郊

齋宿院署

人日齋居雪霽

大明門候駕

五日 賜百官綵扇壽絲縷

西苑秋望二首

頒曆

至日

大廷尉江陰湯公命賦四題一蔭胄子二  
侍講筵三頒書四讀卷叙異數云

人日宴石湖草堂同諸文學分韻得星字  
人日宴蘇司馬惟和宅

元夕戴烏程獻之携酒慈感寺

上元日觀社石湖遂留草堂觀燈

正月十五夜

上巳脩禊天池同文太史

五日

夏日庄居五首

同諸文學避暑石湖二首

立秋日獄中作

新涼

秋

七夕飲吳太學次明宅

中元夜同王子美朱日宣行春橋看月二

首

秋熱

中秋之閨宴王履上草堂

吳興中秋對月

八月十三夜行春橋賞月

十四夜待月上方山

十五夜飲第六弟山樓不見月

十六夜列岫樓雨

十七夜再過行春橋賞月

九日桂嶺宴集

九日渡黃河作

憑虛閣宴蔡丈九達

張園賞牡丹作

同王太守公濟查駕部國瑞張負外永清

再過張園

侍宴宮諭張師宅

宿高吏部子業西園

宴浮玉山同王判官天雨

邵文化携酒山樓

王負外汝化過飲桃花園

文內翰過飲列岫樓

湯錄事右卿石湖舟宴

徐錦衣東園餞龔諭德鳴治

宴徐錦衣宅

真州宴蔣參政子雲

陳少參李參戎邀宴立魚巖

宴虎丘竹亭同章廉叔徐子言

趙職方子衡過訪橫塘別業

陳杭州魯得夜叩山扉留飲

馬大參順卿過橫塘言別

飲芙蓉桂花下

仇侯園池三首

鏡光閣

玉泉山

功德寺

達磨洞

大報恩寺

鍾山

自龍江泛舟至燕子磯

觀音閣

靈谷寺

鷄鳴山塔上

同王少參在叔陳職方魚得登天禧寺塔

金山

廣陵對菊簡朱侍御子禮

天寧寺同子禮

摘星樓

高座寺訪宗伯昭

宿天界寺半峰房二首

夜發松陵

入越

吳山旅宿

紫陽菴

昭慶寺

淨慈寺

宿靈隱寺

孤山

玉泉觀魚

冷泉亭

飛來峰

宿中天竺

六橋

仲春同施憲副聘之遊峴山看花胡村登

浮玉而歸賦詩三首

碧浪湖

湖頭坐

歸雲庵宿

同陳教授士仁劉推官孟材唐主事子鎮

登道場山作

峴山同劉孟材觀雪

靈巖

雪中遊虎丘

登寶華諸山

雨中遊虎丘

虎丘塔王太史繩武同賦

避暑鄧尉山閣

同文太史徵仲方山人質父過幻住庵

寶帶橋與履吉同賦

蓮蕩舟宴二首

韓氏賞菊

湯右卿自江陰致菊四種

山樓成

伯兄園池三首

園居秋霽文休承過訪

病瘍初愈文太史過訪

卜居橫塘作

蒼梧作

春去

憶橫塘別業

謁柳祠

謁劉賢良祠

賓州逢馬侍御君卿

南寧報北虜再入山西

烏蠻灘

昭潭見雪

自柳至平樂書所見五首

虞山別藩臬諸寅長三首

唐永州國秀招遊朝陽淡巖二首

浯溪

岳陽樓

東林寺

仙人何處所

客至

鎖院聞潞賊消息



獄中始見二毛

聞蟬

見螢火

苦雨

伯兄至

伯兄至不得即見

又客

自嘆

聞召

學稼

種竹

竹下

新茶

山院芭蕉花開有甘露可食

楊花

燕

招鶴二首

送少宰溫公歸省三首

送管汝濟使韓府

送林中丞

送大方伯金陵顧公

送劉京兆獻南北上

送陳德夫使魯

送陳侍御原習謫教海陽

送人謫全湘

送錢振之出守肇慶

送張行之飭兵榆林

送陸德儒守漳州

送魏冬官師召權稅蕪湖

送樊少南二首

送邵仲德戍漳州

送沈明之改守霍州

送黃士尚宰仁和

送胡子忠

送顧秋官伯從赴留都

廣陵送田敬叔二首

送王汝化

送王太守懋德入覲二首

送李侍御伯瑞歸成都

送王道思提學山東

送勞員外赴留都

送陳士仁之官留都

送王侍御子正之官長沙

送沈侍御中甫按江西

送翁僉事德宏之官嶺南二首

送馬太守抑之歸大梁

送何給事善充守衡州

送人之潮陽

送人使琉球

送鄧司諭宰政和

送湯廣文之安吉

送朱尹敬之赴召

送賀尹應璧赴召

送人官吉府良醫

送許仲貽會試

送楊子任會試

送趙子衡就試浙中

送王元案會試

送章伯庸會試

送文一壽承王九祿之卒業治平寺二首

送喻秀才還成都

送伯兄赴任臨江

送吳明仲會試二首

送陳啓之讀書西洞庭

送叔兄與之游太學二首

送紹之弟赴試

送陸幼靈

送楊子任憲囚福建

送僧還金山

送翁仁甫按察四川五首

送蘇惟和北上二首

送張憲副國信還巴陵

送王蘇州子正入覲

分題得百花洲送王子正

送仲兄尚之赴試北都二首

送陳司訓教諭丹陽

送舒侍御紹安還朝

送慧公之京

送慧公住持寒山寺

贈施聘之

贈何伯直

贈焦將軍

贈白都閫

賦得采石渚贈馬員外順卿

贈嘉定尹李資坤

贈邢處士麗文

贈湯太學子重

贈鄭山人

贈峴山際和尚

贈紀山人

贈武林余道士

訪都太僕玄敬南濠書院

訪呂山人彈琵琶

湖上別王員外道思

簡王直夫博士

寄高子業吏部

寄凌司訓時東

寄楊用脩太史

寄王蘇州子正

寄題王履吉越溪庄三首

題徐太守沙岡別業

和湯右卿客游燕臺懷故國之什

次大司馬總督蔡公途中言懷二首

荅曾參政懋遠

荅李淮安子中

荅程客見懷

哭琴士張大本

少司空永康徐公挽歌二首

大廷尉江陰湯公挽歌二首

哭王履吉二首

張貞女二首

衡藩重刻胥臺先生集卷之六

明吳郡胥臺山人袁袞永之甫 著

長洲後學甥葵亭張炳忠蓋甫 校

大駕視牲南郊

大路調仙馭朱旗列禁城 帝牛三月繫田燭

九衢明日垂龍旒出山將綵旄迎橫汾卑漢詠

裡祀秉 皇情

齋宿院署

壁薦崇元日郊禋戒百工泰壇雲霧裡象輅羽

儀中越席陳陽位玄端處法宮甘泉徒欲賦文

藻媿揚雄

八日齋居雪霽

瑞雪逢人日  
堯年感物華  
水從銀漢落  
山繞玉關斜  
帳殿披晴靄  
郊宮闕綵霞  
今朝禁城望  
無樹不飛花

大明門候駕

虎旅驅中道  
鉤陳警六飛  
圜丘群望畢  
宣室受釐歸  
旭日迎芝蓋  
晴雲拂羽旂  
笙歌前路擁  
拜舞接光輝

五日  
賜百官綵扇壽絲縷

鳳詔傳中使  
雕函出尚方  
扇裁明月滿  
絲曳綵雲長  
組織觀文藻  
吹噓荷寵光  
南薰迎律動  
聖壽與時康

西苑秋望二首

星樞嚴紫禁  
日觀表黃圖  
華闕中天起  
瑤臺冠嶽孤  
九門環太液  
三島祕方壺  
王氣自朝夕  
清秋雲物殊

列職僊曹末  
長趨廣內遊  
離宮開水榭  
馳道亘花洲  
荷氣薰衣麝  
泉聲引玉騶  
金莖雙立處  
遙望露華浮

頌曆

一王頒曆象七政理虧盈斗柄臨黃道龍躔指  
玉衡攝提貞日馭析木會天行載驗保章氏因  
思洛下閔

至日

雲物指昭回玄冥霽色開飛灰占密室銅渾測  
靈臺鳳至知時變星迴感歲來垂衣仰玄嘿稽  
首咏康哉

大廷尉江陰湯公命賦四題

一蔭曹子

二侍講筵三頒書四讀卷叙異數云

棘寺平反及虞廷奏績殊恩波霄漢下禮樂辟  
離趨世祿雲乃美孫謀燕翼圖三槐早已植

目奮天衢

虎觀橫經地鵷行侍從臣衮衣高黼座環珮擁  
楓宸論列絲綸密光華日月親長陪栢梁宴時  
奉屬車塵

皇訓三言切天章五色流恩頒中使渥詔出尚  
方優秘府徵文獻儒林喜校雙瑤函兼玉軸只  
尺對龍旒

哲后臨軒日王賓觀國時五雲翔紫極三策奏



彤墀寶鏤瑤琨貴饗羞水陸奇瓊林恣歡燕親  
聽食華詩

人日宴石湖草堂同諸文學分韻得星  
字

獻歲逢人日開筵聚德星和風喧谷鳥淑氣轉  
堦莫結勝花爭綵迎春柳變青草堂歡賞洽誰  
復羨蘭亭

人日宴蘇司馬惟和宅

相邀人日宴喜見使星輝舊許論心密今憐會  
面稀山城新月上江館落梅飛更聽懸河辨厭  
厭夜不歸

元夕戴烏程獻之携酒慈感寺

清宵張綺席上客集華纓月競花灯豔風飄玉  
漏聲舞人呈百戲歌管沸千城旅思逢佳節飛  
觴細細傾

上元日觀社石湖遂留草堂觀燈

簫鼓喧春社煙花集夜筵寶燈明大地火樹照  
龍天清梵香風度祥輪綵月懸誰憐多病客寂  
寞獨參禪

正月十五夜

魚鑰通宵啓紅粧作隊行穿花絲管急踏月馬  
蹄輕歌雜平陽舞燈疑不夜城四方幸無事長  
此樂昇平

上巳脩禊天池同文太史

袂乘春暮名賢此地臨清池魚躍藻翠嶺竹  
成林鄭女遺蘭葉金人戲水心茲游真極樂何  
以異山陰

五日

客邸逢陽午騁愁苦憶家虎符分大內龍監  
晴沙角散官林九節花子午正海空

復戀京華

夏日在居五首

一畝自為宅五湖聊可家門陰徵士柳園熟故  
侯瓜脫粟歲堪飽濁醪時肯賒誰能慕簪紱終  
不換煙霞

田家殊作苦今歲復恒暘憂旱思驅魃祈年笑  
暴疋且耽河朔飲頗厭桔槔忙病暑成消渴時  
尋肘後方

門前新漲滿恰好沒漁磯下釣驚鵝浴開簾放  
燕飛納涼憑水檻習靜掩山扉蕭散無拘束林

泉志不違

樓閣層霄上河山四望通開襟迎爽氣捲幔納  
雄風登眺身逾健琴尊興不空日長無一事高  
枕北窓中

山居嫌寂寞賴有問奇人束帶真吾懶科頭任  
爾嗔論文慙客難携酒慰家貧未得同沮溺虛  
名累此身

同諸文學避暑石湖二首

理棹泛湖陰停橈占水心風簾煩暑隔水檻薄  
寒侵劇飲方河朔良儔選竹林蓬壺何處是只  
向此中尋  
綵鷁浮天上紅粧照鏡中歌翻金縷曲人住水  
晶宮酪酏山公似清狂賀監同歸舟不惜晚為  
戀舞雩風

立秋日獄中作

秋風來紫極爽氣入黃圖草木川原改乾坤歲  
月徂蕭條悲宋玉岐路哭楊朱束縛緣何事真  
成一腐儒

新涼

好雨消殘暑輕雲澹素秋水亭荷氣入山館樹

陰稠冰簟風生穀紉簾月上鉤  
豳歌感時物大火已西流

秋

秋氣入虛館澹然神思清  
風泉滿幽聽睠此間居情  
丹楓霜後落白雲天際生  
考槃復何事臨流歌濯纓

七夕飲吳太學次明宅

華館同心侶佳辰濁酒杯  
斷虹沉古堞踈雨送輕雷  
靈寢天河隔僊旌閣道迴  
那堪事機杼悵望鵲橋隈

中元夜同王子美朱日宣行春橋看月

二首

共賞中元節來陪達旦遊  
月當今夜好客為故人  
留皓魄渾疑晝寒光更挾  
秋乘槎吾與發直欲問牽牛  
月白蟾疑動秋清桂欲彫  
金波浮綺席彩暈射星橋  
雲遏袁宏嘯風傳子晉簫  
遙思牛渚會未必勝今宵

秋熱

吳地何卑濕秋天尚鬱蒸  
大雲殊少雨赤日但

多蠅暍憶金莖露涼思玉井冰秣應河朔好痛  
飲酒如澠

中秋之閏宴王履吉草堂

燕賞憐秋半朋遊選閏餘月當瑤夕滿雲向絳  
河舒籟靜荷香發霜清桂影踈袁宏興不淺雕  
藻媿瓊琚

吳興中秋對月

瑤空懸朗月銀漢滅纖雲人在他鄉看秋從今  
夜分光凝浮露氣魄散掩星文何事南飛鴈悲  
哀不可聞

八月十三夜行春橋賞月

皎月昇清漢金波散碧湍光搖牛渚動氣斂鵲  
橋寒乍擬弓將滿還愁扇未團不能明達旦秉  
燭盡餘歡

十四夜待月上方山

憑高臨寶地選勝陟旃丘海涌金輪出風驅綵  
霧收素娥懸鏡照神女弄珠遊彷彿登緱嶺簫  
笙滿十洲

十五夜飲第六弟山樓不見月

花萼樓頭月清輝竟黯然翻憐三五夜不見十

分圓陰霧沉朱戶浮雲暗錦筵無由開寶匣一  
照玉臺前

十六夜列岫樓雨

今夕是何夕雨聲殊未乾月從他處照人擬隔  
年看兔怯秋毫濕蟾愁桂樹殘庾樓空獨倚對  
酒若為歡

十七夜再過行春橋賞月

皓魄憐微缺清光喜倍多冰壺浮桂影素練展  
湖波水即通銀漢橋疑跨絳河人間無此地只  
向廣寒過

九日桂嶺宴集

鳳嶺攀叢桂重陽賞令辰花開金粟樹酒送白  
衣人翠靄圍歌席香風逐舞塵龍山今日醉落  
帽任吾真

九日渡黃河作

河水出崑崙湯湯日夜奔波濤萬壑湧風雨二  
儀昏洛邑中天室函關左孟門百年戎馬地眺  
望一銷魂

憑虛閣宴蔡丈九達

複道飛樓出懸崖雜樹交山川雄地紀井甸散

皇郊蘿幌棲龍象風林落鶴巢  
逍遙歡賞洽竹裏促行庖

張園賞牡丹作

戚里園亭好名花惜看遲  
雕闌圍百寶金谷關連枝紫  
說平頭勝紅誇夾瓣奇洛陽何足數爭似習家池

同王太守公濟查駕部國瑞張員外永

清再過張園

五馬聯鑣出千花復徑開  
綵霞迷望去香霧逐人來  
雜戲陳風榭華筵敞露臺  
諸公能賦者不

魏大夫材

侍宴宮諭張師宅

侍從台階迥宮僚地望尊  
敢攀徐稚榻許過鄭玄門  
水檻紅蕖出風簾翠篠翻  
晚涼無暑氣高樹夏禽喧

宿高吏部子業西園

別業西郊外相邀興不孤  
入門惟果木當徑即庖厨  
狂簡真五黨浮沉魏腐儒  
為農豈君意聊此著潛夫

宴浮玉山同王判官天雨

湖泛春愁減山躋晚眺開魚驚投餌散燕逐捲  
簾來掃石移瑤席調笙促羽杯相如自多病強  
為一登臺

邵文化携酒山樓

山扉雲卧處湖閣客來時陶令頻中聖侯芭獨  
問竒忘機馴白鳥靜坐聽黃鸝君莫嘲空寂參  
寥是我師

王負外汝化過飲桃花園

上客文軒集荒園草宴開自緣乘興至亦為問  
竒來燕語驚壺矢花飄泛玉杯送春須盡醉卜

夜莫相催

文內翰過飲列岫樓

杜門辭俗客開徑候高賓文史清言洽樓臺爽  
氣新庾公寧興淺徐穉自情真湖上鱸魚美相  
期醉幾巡

湯錄事右卿石湖舟宴

湖淨鋪秋水山昏斂夕暉雲隨畫鷁動風送羽  
觴飛月出罷秉燭夜涼思授衣何時更此會明  
發恨分違

徐錦衣東園餞龔諭德鳴治



名聖同金谷離筵集玉珂霜庭垂早橘山沼敗  
疎荷別思聞歌異秋懷向醉多歸朝奏殊績得  
上清賢科

宴徐錦衣宅

公子開華宴仙郎廁勝招舞將金作埒歌以玉  
為簫飛羽千觴急當場百戲嬌厭厭紅燭下歸  
路不知遙

真州宴蔣叅政子雲

燕地相逢日江城再會年歸田惟舊業開徑有  
新篇細雨淹芳節飛花戀別筵子雲今白首玄

草幾時傳

陳少叅李叅戎邀宴立魚巖

仙巖開洞府綺宴集賓僚木落河山出秋深瘴  
厲銷玄言忘日暮逸思入雲霄更喜蠻烽息酣  
歌託聖朝

宴虎丘竹亭同章廉叔徐子言

清川縈碧沚崇阜帶華林燕適喜秋霽游盤忘  
夕陰歸禽天外急疎竹風前吟聊同嘉客賞遐  
想七賢心

趙職方子衡過訪橫塘別業

陶令歸田日候芭問字來燈花連夜喜竹葉一  
尊開荒徑餘黃菊空庭滿綠苔柴門新月上相  
送剡溪回

陳杭州魯得夜叩山扉留飲

使君真好事子夜叩山扉念舊綈袍贈迎新駟  
馬歸星河當戶近風月入簾微曙旦聞鷄唱江  
津望鷓飛

馬大叅順卿將赴閩藩過橫塘言別

雲卧門常掩星言客暫過風塵十年別翫麟二  
毛多暑氣清林竹秋容澹澤荷園亭稍堪賞不  
飲更如何

飲芙蓉桂花下

幽居屏人事散步窺西園愛此池上坐獨開花  
下尊迎風桂子落照水芙蓉繁日入且歸去沉  
冥誰共言

仇侯園池三首

出郭游金谷邀賓並玉珂林花疑杜曲池水引  
天河疊石防魚逸開軒聽鳥歌主人能好客乘  
興數相過

蘿逕重重入花溪曲曲通鹿眠盧橘下魚戲芰

荷中陰洞泥丹竈雕梁掛角弓雨餘殘暑退坐  
待舞雩風

別業仇池勝元戎小隊邀花間嘶撻馬竹下解  
金貂飛瀑懸雲竇層臺俯麗譙捲簾看月上歸  
路不辭遙

鏡光閣

絕磴翔雲上飛軒踐斗迴旗亭開百市魏闕枕  
三台地入榆關險山迎桂苑來登高還望遠秋  
氣使人哀

玉泉山

野寺層峰抱山泉百道流風傳環珮響谷和管  
絃幽度嶺行還坐觀魚去復留誰知 帝城外  
數里即丹丘

功德寺

宣皇臨御日此地數游觀花下停雙輦松間拜  
百官雲長依寶座月自照瑤壇寂寞橋陵路惟  
餘古木看

達磨洞

三秋懷土望千里捲游情陰洞懸崖綴飛泉激  
澗鳴雜花難辨種恠鳥不知名幽獨下雲嶠遙

聞清磬聲

大報恩寺

擔囊游建業下馬問長千風鐸喧清梵雲旌表  
麗觀鹿麋歸別院松子落虛壇欲訪東林社時  
來聽涅槃

鍾山

萬歲玄宮闕三秋紫氣凝悲風動松栢落日照  
園陵劔鳥橋山葬衣冠寶座登萋萋一杯土猶  
憶鼎湖昇

自龍江泛舟至燕子磯

飛鷁臨江口鳴笳轉石頭晚霞紛落照秋水淨  
中流遠樹依微見長天下上浮不須牛渚泛真  
繼庾公游

觀音閣

翠壁龍宮隱丹崖鳥道通大江天設險高閣地  
浮空山氣昏窓霧潮聲響澗風坐令懷古意對  
此益無窮

靈谷寺

古寺橋陵側高松數里陰入門叨鹿卧穿徑白  
雲深谷響傳天籟泉幽和梵音坐令塵慮盡寒

日下空林

鷄鳴山塔上

結構空中出招尋象外幽鍾山蟠地起淮水截  
江流城闕因天險疆場盡帝州登臨殊未已  
還上最高樓

同王少叅在叔陳職方曾得登天禧寺

塔

丹霄翔雁塔飛步躡層梯思入三山脊身凌萬  
象低大觀窮眺望清賞愜攀躋頓覺冷然善津  
梁永不迷

金山

舟從京口渡地涌大江孤水闊遙吞楚山長半  
入吳海門分脉絡斗極望虛無直北浮雲外迢  
迢是帝都

廣陵對菊簡朱侍御子禮

官衙無一事買菊種幽軒留滯非吾意相看豈  
故園金英團露滿碧葉受風翻獨酌懷僊侶無  
由與晤言

天寧寺同子禮

靈關陪燕賞高閣上逶迤雲堞窓中見風帆樹

杪移野花明繡服僊菊薦蘭卮向晚猶行樂飛  
籌每恨遲

摘星樓

法界棲隋苑星樓委廢臺高秋躍馬望遺事使  
人哀池想龍舟戲堤聞玉輦來南朝歌舞地何  
處不蒿萊

高座寺訪宗伯昭

古寺無來客空山獨訪君松聲響秋雨竹翠染  
寒雲玄典幽時悟名香靜處聞誰言消渴病不  
廢長卿文

宿天界寺半峰房二首

殘照已全匿空門猶半開行人失歸徑落葉厚  
荒苔曠色野烟合寒聲山雨來遠公應好客宿  
鳥莫相猜

避喧投淨域休沐息旃林未得空中悟聊清物  
外心玄談叅奧義寶息滌煩襟一接高僧論都  
忘永夜深

夜發松陵

杳杳吳州盡冥冥越岫來霜河孤鳥沒雲水片  
帆開木落天時改星昏斗柄迴風波方浩蕩懷

土思悠哉

入越

問我曷棲棲東行入會稽輕舟下甬里別業訪  
茗溪斷岸魚梁出清沙鴈渚低茲遊豈無意興  
與子長齊

吳山旅宿

蕭條湖上居芳歲忽云徂久客歌彈鋏窮途慟  
返車霜繁秦望失木落武隆踈仗劍出城去茂  
陵歸著書

紫陽菴

紫府藏山洞丹梯轉殿廊攀崖上魚貫穿徑繞  
羊腸石險形疑墜臺高勢欲翔千年令威去誰  
授枕中方

昭慶寺

山翠分屏拱湖流作鏡看龍宮懸日麗珠刹拂  
雲寒琪樹幽巖穴瑤花淨石壇登臨謝拘束翻  
喜罷微官

淨慈寺

複殿聳崔嵬飛軒豁達開金銀粧梵像蒼翠湧  
香臺月桂臨巖發風松夾澗哀秋陰動涼思頓

覺減氛埃

宿靈隱寺

石棧危峯逼龍堂古寺開閣陰秋月暗江響夜  
潮來聽雨同高榻看山對舉杯宋公佳句後千  
載獨憐才

孤山

長歌招隱士緩步叩靈關園廢梅猶發亭空鶴  
不還水同清潁水山即富春山徒羨斯丘樂高  
芬香莫攀

玉泉觀魚

碧沼玉璫瓏金魚錦繡叢聚花如煦沫翻藻若  
浮空影度輕霞上羣遊明鏡中酒闌投餌處鱖  
起一池紅

冷泉亭

湖轉六橋路山迴九里松玉泉淙急澗錦石削  
飛峰飄葉流觴礙凝雲古洞封欲投真境宿更  
上嶺重重

飛來峰

疊石鏤冰片攢峰織錦文路迷三島盡山自九  
疑分色相空中現天香靜處聞行教明月夜飛



鳥入青雲

宿中天竺

寂寞步長廊清虛卧上方客來諸累遣僧定萬  
緣忘磬雜風泉響燈分月戶光一從依淨業真  
欲禮空王

六橋

虹梁亘廣陌星渚跨中流綠柳雙馳騎紅蓮亂  
戲舟山從蓬苑接人賽閨風遊向夕菱歌發平  
沙起白鷗

中春同施憲副聘之遊峴山看花胡村

登浮玉而歸賦詩三首

共有城南約相携湖上游筵開山榭敞地選竹  
林幽嬌鳥含風嘯飛花引澗流春光已無幾尊  
酒為淹留

散步花村裏桑條綠未齊客同山簡醉路恐武  
陵迷野老居臨水漁人語隔谿那知城郭近淳  
朴有幽棲

屢聞浮玉勝攀覽喜春晴片石湖心起群峯水  
面迎渚鷗歸岸整檣燕受風輕世事非吾分沉  
酣託此生

碧浪湖

湖水晴逾碧山花雨助紅人烟春樹裏漁網夕  
陽中風俗村村異桑麻處處同明時任樗散臨  
泛興難窮

湖頭坐

碧浪湖如掌秋來水更清雲霞蕩返照島嶼浮  
空明魚似鏡中見舟疑天際行臨流坐終日歌  
罷濯吾纓

歸雲庵宿

松徑穿深塢柴扉扣小庵繞階鳴澗水當戶起

山嵐風逐梅香度雲將竹影含澄心習禪觀清  
夜共玄談

同陳教授士仁劉推官孟材唐主事子

鎮登道場山作

鳴珂青嶂曲飛蓋翠微陰輿度紆松棧筵張倚  
竹林虎巖秋共眺鳳刹晚同臨更愛前谿澗冷  
冷淨客心

峴山同劉孟材觀雪

密雪夜仍朝同雲四望遙河山疑縞素樓榭若  
瓊瑤絮弱迎風起花繁雜霰飄子猷餘興在秉

燭戀清宵

靈巖

君王歌舞地樵牧使人哀  
土木遺危刹丹青委廢臺  
草當香徑合花傍鹿場開  
且盡登臨興山河望裏來

雪中遊虎丘

瑞雪從空下名山入望來  
珠林紛玉樹寶地起瓊臺  
絮雜回風舞花迎淑氣開  
剡溪滯幽賞薄暮且徘徊

登寶華諸山

夙有登臨興春游愜賞心  
山盤數嶺盡寺轉萬松深  
樹古同僧臘泉多雜梵音  
仙津何處問即此可投簪

雨中遊虎丘

愛春常恐盡冒雨亦來游  
北郭搖蘭漿山塘近虎丘  
樹林攢寺密澗水雜花流  
日暮憑高閣千峯嵐氣浮

虎丘塔王太史繩武同賦

駕塔翔雲表龍宮湧寺心  
乘高宜眺望暇日與登臨  
山面支硎逼湖窺震澤  
深平生飛動意慷

慨一狂吟

避暑鄧尉山閣

入山澄世慮攀閣避炎氛林響湖含雨窓陰殿  
出雲棋枰圍竹坐壺矢隔花聞吾願依清淨長  
年絕茹葷

同文太史徵仲方山人質父過幻住庵

高賢勞枉過淨域喜相隨路轉青山郭門臨綠  
水池一官羞宦業尊酒負花時便欲從蓮社終  
當與世辭

寶帶橋與履吉同賦

分野表三吳星橋控五湖天河烏鵲起靈渚綵  
虹孤陸海環荒服江淮委具區濟川懷壯業驅  
石想雄圖

蓮蕩舟宴二首

水國僊源裡風檣天鏡浮軟香通細葛野興促  
飛籌碧蓋迷蘭漿紅衣瀉玉流擢歌三兩發導  
渚起群鷗

新霽恍無暑微風宜放船捲簾親水鳥解纜惜  
吟蟬玉笋休停手青房不論錢晚來花霧裡縹  
緲欲凌僊

韓氏賞菊

黃菊誇堪賞清樽喜暫陪  
花開成錦障英落泛  
瑤杯幕透香風入筵迎  
秀色來不辭金谷罰應  
笑玉山頽

湯右卿自江陰致菊四種

故人傳尺素遠道寄瑤華  
命僕開名酒邀賓賞  
異花白疑夕疊雪紫訝曉流霞  
盡日看難厭千金未足誇

山樓成

疊石攢幽壑懸崖構小樓  
山當臺榭起雲倚洞

門流碁局苔花蝕壺觴  
竹翠浮時時披鶴氅開  
徑候羊求

伯允園池二首

別業經過屢幽亭  
眺望賒遠園編竹  
槿夾水蔭桑麻魚躍時  
崩岸鷗眠巧古沙更須除雜蔓  
多種棣棠花

麥隴紆芳甸松丘鬱古墳  
池通練瀆水窓鎖笏林雲看竹思  
中散籠鴛想右軍自憐題柱客終  
媿北山文

客每携壺訪花常秉燭看賭碁  
臨水檻乘艇戲

風湍膾鯉雕胡飯烹葵白玉盤  
惠連慙不敏春草和偏難

園居秋霽文休承過訪

逗水紅蕖淨含風翠篠繁  
因聞蔣詡逕相賞仲長園好鳥時幾轉  
幽居無一言濁醪催更進  
飛月已臨軒

病瘍初愈文太史過訪

杜門成市隱習靜好樓居  
不以文園病寧來長者車  
庭閒喧鳥雀竹翠淨琴書  
客散玄言罷蕭然掩敝廬

卜居橫塘作

野性厭城市橫塘真可居  
黃山障茅屋綠水通清渠  
車馬客不到簞瓢吾宴如  
空齋無長物遣興只琴書

蒼梧作

氣候南荒異蒼梧濕更饒  
山雲晴忽雨江霧夜連朝  
病與災俱劇愁隨瘴不消  
故鄉那可望桂嶺已迢迢

春去

忽此三春去猶為百粵人  
江花辭樹盡海燕引

鷓鴣新多病仍尸祿無能但乞身掛冠今已晚何  
日理歸輪

憶橫塘別業

一卧文園病終朝念故山敢希宣室召祗望玉  
門還橘想千頭足桑思十畝閒如何五斗米猶  
自滯南蠻

謁柳祠

羅池非昔日柳廟亦荒頽秋草重門閉寒花獨  
樹開文章真命世今古孰憐才猿鶴如相訴松  
風晚更哀

謁劉賢良祠

高樹臨流水空庭澹夕陽萬言翻下第三黜竟  
投荒事業存青史英靈儼白楊古來稱屈者不  
獨一賢良

賓州逢馬侍御君卿

同作炎荒客嗟君未賜環丹心戀北闕白首老  
南蠻歲月杯中酒田園洛下山 聖朝無棄物  
早召賈生還

南寧報北虜再入山西

羽檄馳南粵天驕犯晉陽何人憂國是諸將失

邊防月滿胡笳動秋高虜騎狂請纓須我輩直  
欲繫名王

烏蠻灘

灘說烏蠻險今來異昔聞江流清似鏡山瘴白  
於雲銅柱瞻遺烈叢祠表懋勲伏波如可作談  
笑掃妖氛

昭潭見雪

五嶺傳無雪三冬喜見花霰喧窓竹響絮捲朔  
風斜臘已辭梅萼春先報柳芽誰憐僵卧者猶  
自滯天涯

自柳至平樂書所見五首

象郡極蕭條賓州頗沃饒趨虛多醜女互市半  
良瑤箬累檳榔貴花粧茉莉嬌輶軒叨使者異  
俗采風謠

邕管真堪賦江南恐不如橘奴金彈密荔子水  
精虛海錯羞方物山蕉入野蔬無論寶玉賤魚  
米自宜居

藤峽韓丞績崑崙狄帥功左江仍略定八寨未  
全通舞劍狼家健彎弧達舍雄盧蘇誰養冠何  
事枉姚公



鬱白方言似潯梧瘴氣賒  
蚺蛇晴掛樹射蜮晝  
含沙屋覆湘君竹  
山紅蜀帝花夷堅  
收未盡博物待張華

昭平灘險惡最險是龍頭  
藥弩絃齊鼓銅刀鞘  
屢抽紅巾翻把隘  
白晝競釣舟倘得山韓將  
狐群豈足憂

虞山別潘臬諸寅長三首

桂嶺不可見虞祠聊暫留  
腸因去國斷淚以別  
知流柳綠迷征騎  
山青隱戍樓異時懷此地  
應向夢中遊

祖道空相送驪歌不可聞  
自緣憂病骨非敢負  
明君官路清朝雨  
江帆杳暮雲依依更執手  
去住惜離群

疏傳嘗辭綬梅公亦掛冠  
高風今已遠直道古  
來難筇澤葦堪茹柴  
桑菊可食人生各有志  
何用戀微官

唐永州國秀招遊朝陽淡巖二首

久憶仙巖好欣從勝日遊  
玉泉淙澗道翠壁俯  
湘流花氣中林濕嵐光  
半嶺浮緬懷元刺史千  
載復唐侯

六代書畫先生集卷之六  
四十一  
輕輿盤翠巘吹角轉青山一徑蓬壺入千崖鳥  
道攀虛明疑夏屋峭險類秦關遊賞真吾癖何  
妨卜夜還

浯溪

湘水浮天綠浯溪見底清  
竭來窺石鏡散步愛  
泉聲宅廢野花發亭空山鳥鳴  
中興碑可讀猶  
憶漫郎名

岳陽樓

輕風送客舟新月掛高樓  
遠樹天無際孤城地  
欲浮楚山橫鄂渚  
夢澤接湘流湖海  
惟書劍平

生此壯遊

東林寺

東林在何處杳在翠微中  
山色開朝霽鐘聲度  
午風虎溪塵世隔蓮社  
白雲空不見陶元亮  
令人憶遠公

仙人何處所

仙人何處所宛在海中洲  
月桂黃金闕雲芝白  
玉樓太虛同出入元氣與  
遨遊辟穀辭人世長  
生或可求

客至

客自燕京至真傳諫獵文干戈戎馬暗鞞鼓羽  
書紛玉殿生春草瑤池宴暮雲翠華愁不返黃  
竹豈堪聞

鎖院聞潞賊消息

羽書河北至潞賊下西山正憶征行苦兼愁  
餉艱龍驤分禁閫虎旅塞壺關殄滅非難事無  
令匹馬還

獄中始見二毛

病暑復愁霖園扉晝每陰上書梁獄恨懷土楚  
囚心生計嗟萍梗官途嘆陸沉豈知青鏡裡遂

有二毛侵

聞蟬

客淚無端下蟬聲胡太悲細吟朝露裡亂聒晚  
涼時翼薄衝風怯身微抱葉危物情相感激哀  
怨爾如知

見螢火

陰房難見月螢火忽輝輝巧向踈櫺入斜穿短  
幔飛飄零依草露熠燿照人衣此夜悲秋意頻  
將苦淚揮

苦雨

入夏晴無幾交秋雨更多夜簷疑瀑水朝院類  
江河卑濕妨高卧炎蒸受宿痾天時與人事局  
促意如何

伯兄至

旅邸兄新到窮途弟稍寬此來知急難欲見問  
平安小姪牽衣喜癡奴得主歡時時通數字慰  
我勸加食

伯兄至不得即見

劇喜移家至翻愁會面難老親憂未穩 明主  
法應寬淚訝沾襟濕衰驚引鏡看由來獄吏貴

非敢怨微官

父客

父客不如意羞稱章句儒棲棲戀 明主每每  
媿微軀疾病朝參懶迂踈禮法拘虞卿苦無賴  
著述以為娛

自嘆

舉世惡貧賤何人知子雲豈無匡濟略空負  
聖明君樗櫟自能壽蘭膏徒見焚白頭不曉事  
那用草玄文

聞召

十年投杼怨一命賜環恩才拙終何用官微豈  
足論北山馴鶴鹿南畝牧雞豚避世吾寧敢深  
憂負至尊

學稼

自卜山中住長從隴上耕清時非避世薄業且  
謀生蓬戶貧原憲青門老邵平田園自有樂何  
用狗浮名

種竹

中歲慕玄寂蕭然無俗塵江湖從所好脩竹每  
相親淇水搖珍箨湘雲度葛巾北窓高卧處何

異上皇人

竹下

種竹遠塵俗誅茅依翠陰窓虛落秀色坐久清  
煩襟雨過淨如洗風來時一吟惟應嵇與阮千  
載同予心

新茶

新茶吾所愛更愛雨前茶四月梧陰下壺杯瀉  
乳花細香凝玉液嫩綠泛柔芽倘得中冷水龍  
團豈足誇

山院芭蕉花開有甘露可食

芭蕉粉墻下秀色轉分明滿院秋雲影空齋夜  
雨聲花含甘露重葉展綠陰成掃石同僧坐時  
聞山鳥鳴

楊花

點點飄仍聚盈盈密更稀輕寬朱幌入亂繞玉  
窓飛雪作漫天舞春從委地歸章臺無限恨零  
落竟誰依

燕

最愛堂前燕高飛忽復低趁風穿柳絮冒雨掠  
花泥簾影朝雙舞梁塵晚並棲綠窓離思切腸

斷各東西

招鶴二首

獨鶴忽飛去冥冥滄海東離哉翻羽翼辛矣脫  
樊籠影憶空庭月聲憐別院風凌霄自有志吾  
豈學支公

昔喜依和靖今疑誇令威九霄徒逸響千里竟  
高飛花下明朱頂風前亂雪衣何時念舊主華  
表復來歸

送少宰溫公歸省三首

明皇敦孝理上宰沐恩私祕閣虛中軸台階冠

百司親裁丹鳳詔喜慰白雲魚報  
主能無意  
朝天定幾時

陳情別紫宸優詔許寧親驛路馳龍勅班行憶  
侍臣星輶朝入洛雲蓋暮辭秦遙想稱觴處高  
堂戲綵新

巴蜀路難行高秋出  
帝京朱旗迎駟馬絳帳  
送諸生劍閣盤雲棧花溪抱錦城里人如有問  
稽古咲桓榮

送管汝濟使韓府

哲后臨軒日韓侯建國時三川常北拱四牡獨

